

Zakona o turizmu ("Službene novine Kantona Sarajevo", broj 19/16, 31/17, 34/17 - Ispravka i 13/21), Vlada Kantona Sarajevo, na 99. sjednici održanoj 27.10.2022. godine, donijela je

**ODLUKU
O VISINI BORAVIŠNE TAKSE NA PODRUČJU
KANTONA SARAJEVO ZA 2023. GODINU**

Član 1.
(Predmet)

Ovom odlukom utvrđuje se visina boravišne takse na području Kantona Sarajevo za 2023. godinu, obveznik uplate boravišne takse i način uplate boravišne takse.

Član 2.

(Visina boravišne takse)

- (1) Boravišna taksa za 2023. godinu iznosi 2,00 KM.
- (2) Dnevna boravišna taksa za 2023. godinu iznosi 1,00 KM.
- (3) Za fizička lica koja pružaju usluge smještaja u domaćinstvu i seoskom domaćinstvu utvrđuje se boravišna taksa u godišnjem paušalnom iznosu od 50,00 KM, za svaki krevet i smještajnu jedinicu, koja se koristi za pružanje usluga smještaja.

Član 3.

(Obveznik uplate boravišne takse)

Obveznik uplate boravišne takse Turističkoj zajednici Kantona Sarajevo (u daljem tekstu: Turistička zajednica) je:

- a) pravno ili fizičko lice koje pruža uslugu noćenja u smještajnom objektu u kojem se obavlja ugostiteljska djelatnost,
- b) putnička agencija organizator putovanja, koja plaća dnevnu boravišnu taksu po svakom grupnom dolasku turista u turističko mjesto bez noćenja,
- c) fizičko lice koje pruža uslugu smještaja u domaćinstvu i seoskom domaćinstvu.

Član 4.

(Način uplate boravišne takse)

- (1) Obveznik uplate boravišne takse iz člana 3. ove odluke uplaćuje naplaćenu boravišnu taksu na depozitni račun Kantona Sarajevo u skladu sa članom 82. stav (1) Zakona o turizmu ("Službene novine Kantona Sarajevo", br. 19/16, 31/17, 34/17 - Ispravka i 13/21).
- (2) Sredstva od boravišne takse iz stava (1) ovog člana koja su uplaćena na depozitni račun Kantona Sarajevo raspoređuju se na račun Turističke zajednice.

Član 5.

(Prestanak važenja ranije odluke)

Danom početka primjene ove odluke prestaje da važi Odluka o visini boravišne takse na području Kantona Sarajevo za 2022. godinu ("Službene novine Kantona Sarajevo", broj 50/21).

Član 6.

(Stupanje na snagu)

Ova odluka stupa na snagu danom objavljivanja u "Službenim novinama Kantona Sarajevo", a primjenjivat će se od 01.01.2023. godine.

Broj 02-04-43961-37/22
27. oktobra 2022. godine
Sarajevo

Po ovlaštenju premijera
Ministar
Davor Čičić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i tačke 1. i 4. Zaključka Vlade Kantona Sarajevo, broj 02-04-79-7.1/22 od 06.01.2022. godine, Vlada Kantona Sarajevo, na 99. sjednici održanoj 27.10.2022. godine, donijela je

**ODLUKU
O DAVANJU SAGLASNOSTI KJP "VETERINARSKA
STANICA" D.O.O. SARAJEVO ZA POPUNU
UPRAŽNJENOG RADNOG MJESTA**

I

Daje se saglasnost KJP "Veterinarska stanica" d.o.o. Sarajevo za prijem jednog radnika u radni odnos na neodređeno vrijeme na radno mjesto - "Sekretar društva".

II

Prijem radnika iz tačke I ove odluke izvršit će se u skladu sa Uredbom o postupku prijema u radni odnos u javnom sektoru na teritoriji Kantona Sarajevo ("Službene novine Kantona Sarajevo, broj 19/21 i 10/22).

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-43961-38/22
27. oktobra 2022. godine
Sarajevo

Po ovlaštenju premijera
Ministar
Davor Čičić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi sa članom 6. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", broj 22/21 i 13/22), Vlada Kantona Sarajevo, na 100. sjednici održanoj 03.11.2022. godine, donijela je

ODLUKU

I

Prihvata se molba EXIT i Garden of Dreams za finansijsku pomoć u iznosu od 50.000,00 KM, dostavljena dopisom od 10.10.2022. godine, broj protokola: 02/01-11-44232.

II

Dio sredstava iz tačke I ove odluke obezbijeden je Zaključkom Vlade Kantona Sarajevo, broj 02-04-33199-11/22 od 01.09.2022. godine preraspodjelom sa razdjela Ministarstva pravde i uprave Kantona Sarajevo na razdjel JU "Bosanski kulturni centar Kantona Sarajevo", a preostali dio potrebnih sredstava bit će obezbijeden preraspodjelom u Budžetu Kantona Sarajevo.

III

Za realizaciju ove odluke zadužuju se Ministarstvo finansija Kantona Sarajevo, Kabinet premijera Kantona Sarajevo i JU "Bosanski kulturni centar Kantona Sarajevo", svako u okviru svoje nadležnosti.

IV

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-44837-44.1/22
03. novembra 2022. godine
Sarajevo

Premijer
Edin Forto, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 138a., a u vezi sa članom 139. Zakona o radu ("Službene novine Federacije BiH", broj 26/16 i 89/18), Vlada Kantona Sarajevo, na 99. sjednici održanoj 27.10.2022. godine, donijela je